



# Bájkkeavijssa NuorttaSálto

## Mihá ietjasa sámevuodas

Dá vahko ásadij Árran oahppijæjvalimev divna nuorajda gudi oadtju sámeigiella-åhpadosáv sijás dá skávllåjagev.

Vuojnunagá le ádá vuojnñan julevsáme giela hárráj iditjime. Ádjáj ja áhkoj skábmo dárojduhttemájge rájes hálvva duogátjij gáhtu gá vuojná udnásj nuoraj mihá mielav ietjasa giela ja árvo hárráj.

### Sámeigiella le trendy

Ja ælla dássju sáme gudi sihti julevsámegiela oahppat. Stuorra oasse dárogielak nuorajs li berustahtjam sámeigiela oahppamis, juska e huoman lahka fuolkev ane gudi sámásti.

- Itjivj ávvánis majtik álgos máhte, valla muv mielas le geldulasj giella, subtsas Marte G. Kleivan Bálágis. Sáj klássarád-najn Nora Mari Iversen (16) libá válljim sámeigiela oahppat dá jagev.

- Moattes mijájs Bálágis lip mælggadav sihtam sámeigiela oahppat, valla javlli ælla åhpaddidje. Le sæmme luondulasj sámeigiela válljit gá ietjá gielaht. Giella le geldulasj danen gá le állu ietjálágásj, ja moadda nuora sihti sámeigiellav uddni oahppat, giehttu Marthe. Nuoraguovtes guorrasibá sámeigiella le sjaddam trendy.

### Bivnos guhkesåhpadieme

Birrusij guovtelåges adni åhpadiemev Árranis dá jage. Muhtema Trøndelagas, muhtema Ofuohtás, muhtema Finmarkos



*Nora Marie Iversen ja Olga Gælok libá dábdám nubbe nuppev mánávuoda rájes. - Ádjáj Ájlåtten árru, mán lev danna árrum, ja giesijt lev danna. Danna le muv fuolke. Lin gal mihá sámevuodas, javllaba 16-jagága. Nora Marie Iversen og Olga Gælok har kjent hverandre siden barndommen. - Bestefar bor på Helland og jeg har både bodd her og vært her om somrene. Her er slekta våres. Ja vi er stolte av å være samer, forteller de to 16-åringene.*

Tæksta: Kitty Skapalen  
Jærggålbe: Divte Media / Ingrid Kintel

ja muhtema Nuortta Sálto. Niellja Losa-oahppijs Ájluovtan li guovte sámeigielatijma juohkka vahko, akta dajs le Christin Solberg (16).

- Manen le dán sámeigielav válljim?

- Hállu lij oahppat juojddáv. Mujna le áhkko gut sámás, ja sámeigielak rádna, munji de sjaddá suohtas máhttet unnán. Guláv gá rádna ja ietjáda sámásti, ja ávdđála tjuovvuv nehtasijdov Infonuorra mij dálla le gáhtum. Madi ienebu åhpav, dadi ienebu dádjadav majt áhkko telefavnán giehttu sámeigielaj, májut Christin.

### NuorajTV

Maria Mikkelsen álgadij mánnodagá giehttomijn gáktu NuorajTV.no barggá vájmmelis nuoraj ja anátjit sámeigielav ietjasa næhttasijdon. Moattes oahppijs rámmu bargov.

- Suddo gá dássju le gæhtjalibe-pros-

jækta javlaj rádjáj, javllá Christin.

Oahppijæjvalimen galggi oahppe gæht-tjalit filmav stiellit. Ja jus ietja sihti, de almoduvvá filmma nuorajtv.no.

### Dábddu buorren

Olga Gælokij (16) lij álkke sámeigielav válljit. Tjanádum le Tierrekluohtaj, ja sámeigiella le viesso ietjas lahka fuolken. Ja sán le mihá sábmén liehket. Ávdđál åhpadieme Árranin álgij, lij sán árrat danna. Lijkku guovdátjin vájaldit; gæht-tjat filmajt, giela subtsasij baktu, ja gávåjt guovllat ietjas fuolkes.

- Dábddu nav buorren. Dát le oasse mujsta. Dála li muhtema muv fuolkes gávvidum, javllá ja gæhttja Anndetjæhtjásis guhti duojijt vuosádallá avta gávån.

- Iv dádjada manen giela nav gádodit sihtin, javllá Olga hájet. Sujni le sáme-vuohta luondulasj ja ájnas oasse ielle-

mis.

- Gehtja, dát nejtusj ruoppsis biktasij le mán, subtsas sán ja vuosádallá gávån bienas Tjierrekluohtan muhtem jagij rájes.

- Gá ulmutja gulli mán lev sábmme, de gatjádi tuvsán gatjálvisájt. Li gus dujna buohttsu? Áro gus gámán? Dá li dálusj gatjálvisá. Mán farra javlav mij lip asfalt-sáme, tjajmmá Olga ja subtsas sán lijkku gávvit ja sujne le bloggá sihke dáro- ja sámeigielaj.

### Usjudallamvuohke le rievddam

Oahppijæjvalime tiebmá le njálmålasj giella ja girjålasjvuohta.

- Danna li oahppe moatte gielalasj dásijs, subtsas Anne Silja Turi Árranin. Iesj le sujna sámeigiella iednegiellan ja lij akta dajs gen ávdås sámeigiella åhpadosgiellan sjattaj 1990-lågon.

- Dalloj moattes ettjin dádjada manen sámeigielav skávllån galgajma oahppat. «Gáktu dal máná sámeigielaj galggi birggit?» javllin. Rievddam le dát. Uddni le sjaddam luondulasj sámeigielav oahppat. Usjudallamvuohke le rievddam, tjielggi Anne Silja.

Ráddnavehka subtsasti sij ienemusát dárusti gaskanisá ja muhttijn sámeigiella gullu.

- Álgos ittjij áhkko vuojga lijkku mán galggiv sámeigielav oahppat, valla dálla vuojnu degu ienep dasta berus. Sán gatját gáktu manná, majt dahkap, ja majt lev oahppam. Jus le máhttelis, de joarkáv sámeigielaj boachte jahkaj aj. Sidáv ájn vil ienep oahppat, hæjtta Christin.



*Lagás ja gieres. Olga Gæloka (16) mielas dábddu buorren guovdátjin vájaldit, gávåjt gæhttjat ja subtsasijt gullat ietjas sámevuoda birra. Kjent og kjært. Olga Gælok (16) kjenner det er godt å vandre rundt på senteret, se bilder og høre fortellinger om sine samiske røtter.*